


香港名家近體詩選

下
冊

編輯：

何乃文、洪肇平
黃坤堯、劉衛林

顧問編輯：何文匯



編輯：

何乃文、洪肇平
黃坤堯、劉衛林

顧問編輯：何文匯

香港名家近體詩選

（下冊）

中文大學出版社

《香港名家近體詩選》(上、下冊)

編輯：何乃文、洪肇平、黃坤堯、劉衛林

顧問編輯：何文匯

© 香港中文大學 2007

本書版權為香港中文大學所有，除獲香港
中文大學書面允許外，不得在任何地區，
以任何方式，任何文字翻印、仿製或轉載
本書文字或圖表。

國際統一書號 (ISBN) : 978-962-996-361-3 (上)

978-962-996-362-0 (下)

978-962-996-119-0 (全套)

出版：中文大學出版社

香港中文大學·香港 新界 沙田

圖文傳真：+852 2603 6692

+852 2603 7355

電子郵件：cup@cuhk.edu.hk

網址：www.chineseupress.com

An Anthology of Hong Kong's Recent-style Poetry (2 vols.) (in Chinese)

Editors: Ho Nai-man, Hung Siu-ping, Wong Kuan-io, Lau Wai-lam

Consultant Editor: Richard M. W. Ho

© The Chinese University of Hong Kong, 2007

All Rights Reserved.

ISBN: 978-962-996-361-3 (Vol. 1)

978-962-996-362-0 (Vol. 2)

978-962-996-119-0 (Set)

Published by The Chinese University Press,

The Chinese University of Hong Kong

Sha Tin, N.T., Hong Kong

Fax: +852 2603 6692

+852 2603 7355

E-mail: cup@cuhk.edu.hk

Web-site: www.chineseupress.com

Printed in Hong Kong

許伯幹

許伯幹，字菊初，廣東番禺人。一九零一年生，一九七六年卒。牙科醫生。少通文翰，雅愛臨池。見知於江霞公太史。抗戰時避兵澳門。加盟廣州越社，對客揮毫，一揮而就。達難香江，乃碩果社後四子之一，其後又加入披荊、南薰諸社，古稀矍鑠，分韻賭酒。嘗撰《紅葉詩緣》及《柳如是》曲本，才情雅俊，傳唱一時。著《晚香樓稿》，未見梓行。作品散見《碩果詩社》、《廣東歷代詩鈔》、《網珠集》、《網珠續集》等。

讀史

一九五零年

被我清愁酒與書，一杯先酹趙相如。誰知國手移天運，卻在輕迴巷陌車。

月蝕

一九五零年

彩雲散後氣蕭森，天水茫茫無處尋。閉戶有誰思已過，相時何術返窮陰。偶逢滄海揚塵候，莫測嫦娥落魄心。剝極昔聞猶可復，且迴冷眼正危襟。

昨夜

一九五零年

昨夜雲帆泊謝橋，再難絳蠟伴銀簫。花緣有恨紅先褪，心到無明血亦潮。冷煖十

年空作繭，依違雙淚未成綃。芙蓉塘外回風緊，不為吹愁卻散謠。

偶成

一九五零年

驅愁入夢幾宵晨，醒對嚴冬夢卻春。詩外事猶紛世眼，醉中人始露天真。斷章作結意難盡，險筆能留韻更神。一局殘棋餘象士，悔教閑著誤旁人。

中秋夜西環步月偕肇鍾酒後得句

一九五零年

一夜清光海上多，碧空雲淨水無波。測天卻遜鄉心遠，放步其如世網何。詞客酒酣還說劍，石塘花謝不聞歌。明年此夕將安寄，我欲樽前問素娥。

除夕酒後訪穗軒

一九五一年

封簷陣雨養寒初，心底春光逼歲除。魚鳥近人纔咫尺，風雲來日此權輿。深杯未慰治生苦，久困寧知作計疏。扶醉起尋隄畔客，萬花如海閉門居。〔二〕

〔一〕君宅為歲晚花市所在。

郊飲

一九五五年

來去春雲豈有心，風迴寒谷偶存臨。眾泉爭石紛難解，一鳥窺簷機正沈。興至已忘言絮絮，緣多偏愛院陰陰。盍簪未負芳時約，花下應無罰酒吟。

市樓小飲

一九五五年

昨夕江樓帶醉回，今宵仍戀手中杯。同塵早悟無常相，遠辱寧辭百不才。已分靈臺如止水，忍論虛室偶沾埃。杖頭尚有餘錢在，無間陰晴日一來。

雨中望鯉魚門

一九五九年

灣頭東去漸迷茫，此是南荒舊海疆。一雨添來新料峭，百年淘得幾興亡。入杯有影歸帆小，擊水知誰客路長。望裏濕雲舒復卷，當前天意未尋常。

元夜寄友時美國太空人登陸月球成功

躡空人譽美三雄，彷彿乘槎博望同。納芥未妨玄圃外，遊心且住廣寒宮。燈花過眼明還滅，世態翻雲塞裏通。此夜料君曾不寐，吟成分我一詩筒。

許連進

許連進，筆名司馬千里。一九五零年三月生於福建晉江。高中畢業，曾任教中學。一九八三年移居香港，辦廠經商。業餘涉獵多方，尤好盆景燈謎，近年專注於詩詞習作。二零二年初，協同于枝鼎先生等人組建長青詩社。現為長青詩社副社長兼秘書長、中華詩詞學會會員、全球漢詩總會名譽理事兼駐聯絡處副主任等。有詩詞集《春暉草》、《辛巳壬午半年吟》、《興趣移詞稿》出版。

攜妻太空館玩月球漫步遊戲

一九九五年

靈藥莫須偷，並肩銀界遊。嫦娥猶遁影，兔魄復何求。碧海鄉心起，青天歸意稠。人間頭共白，豈必與仙儔。

詠煙花

一九九八年

花發當佳節，雨風猶綻開。流光臨玉宇，潑彩映瑤臺。鏖戰聲中煥，和平日裏來。硝煙驅散盡，世界共禳災。

師友邀聚於大埔滘小白鷺餐廳感賦

二零零三年

來倚滌濤山，胸迎吐露瀾。
〔一〕湖光輝座亮，鷺影入杯歡。
主客盈盈摯，詩詞蘊蘊寬。
層樓終更上，秀色引同餐。

〔二〕大埔滘有「滌濤山」建築群，面對吐露港。

讀王午歲暮感懷 試步毛谷風教授原玉二疊

二零零三年

春晚度鳴珂，西窗妙韻多。
眼前輝戰火，海內湧驚波。
但願災星熄，惟祈禮斗過。
〔一〕詩成歌正氣，世界燦明河。

諸天斗逐梭，電繞玉衡多。
孕育星拖雨，飛旋宇漫波。
青霄一日滿，綠地百年過。
世事宜長望，揮毫韻弄河。
〔二〕

〔一〕禮斗，李程《日五色賦》：「懿彼日昇，考茲禮斗。因時而出，與聖為偶。」

〔二〕弄河，李商隱詩：「弄河移砥柱，吞月倚扶桑。」

詠得相思樹寄內

一九八四年

天涯何處乏相思，此樹南瀛壯且奇。
海甸山坡根縱踞，雲階月地幹斜欹。
花黃迎

夏柔情聚，葉翠經冬夙意持。多少戀人愁與淚，千秋百劫壓彎枝。

遊賞蘇州園林

八首錄二

一九八九年

耦園

東西兩部構佳名，寄寓雙棲歸隱情。引水環園神品匯，藏山疊石匠心營。枕波軒畔吟無限，聽櫓樓邊畫有聲。^{〔一〕}帶露擷珍花一瓣，輝霞照日映詩城。

〔一〕「枕波軒」、「聽櫓樓」皆該園之建築。園主人沈秉成親自撰聯：「耦園住佳耦，城曲築詩城。」尾句之「詩城」即本此。

環秀山莊

經營金谷出頤園，^{〔二〕}水複山重抱曲軒。環秀莊邊施意匠，問泉亭外布靈源。^{〔三〕}層層疊疊峰崖列，假假真真洞壑繁。叱石渾如揮畫筆，詩情出岫似鵬鷺。

〔一〕該園又名「頤園」，在五代錢氏「金谷園」故址上，經由歷代修葺而成。該園以假山著名。
〔二〕「問泉亭」乃該園重要建築。

清官廉臣小詠 八首錄一

張九齡 (一)

二零零一年

催生明月照天東，文采政聲寰海同。慧眼搶先窺反骨，誠心往後見精忠。千秋金鑑千章耀，一代奇才一相雄。放逐荊州清譽在，國中稱曰曲江公。

(一) 張既是賢相，又是文學奇才，著有《曲江集》、《千秋金鑑集》。其以敏銳眼光，一早識破安祿山之狼子野心。

青馬大橋

二零零二年

龍勢橫空一吊橋，凌波跨島傍青霄。雙虹倒掛懸絲密，列宿俯臨輝影嬌。五載通車興旅費，千秋創業趕流潮。相如題柱翻新意，策馬不辭天地遙。

郭亦園

郭亦園，原籍浙江黃岩。少嘗以詩受知於吳孚威上將軍，入參幕府，出為縣長。國變後，南走香港，臥病鑽石山某禪院中數年，隱去少年仕宦之名，惟以亦園自名。蓋取義於謝靈運詩「養疴亦園中」也。創香港詩壇，每周集吟侶於市樓茗座唱和。蒐輯當代各地華人所為詩，選編為《網珠集》。歿後，涂公遂、何敬群二先生，及香港詩壇同人蒐得其詩三百餘首，釀資印行，命名《郭亦園先生詩集》。

乙巳重陽

悠然一枕度重陽，風雨當窗午夢涼。候鳥不來鄉訊渺，霜花又放客情長。除名酒國非關老，寄籍詩城亦近狂。差喜病餘岑寂慣，未因佳節逐人忙。

偶成

殘篇苦茗伴閑身，屏絕門前十丈塵。漸覺豪情緣病廢，獨存頑性入詩真。餘生何用延年術，孤嶼聊安遜世人。向曉鄰園容緩步，蠻花隨意又成春。

濤飛招飲即贈主人並示沛霖醉六

一笑相忘老大身，又從高閣話前塵。山間風日方回暖，世上才名久失真。對茗不妨千百輩，論詩只許二三人。杜鵑爭與紅棉放，信是天南有好春。

隔海

隔海神仙喚不來，年年蓬島自徘徊。渾忘世上存塵劫，獨向花前舉玉杯。冷漠心情疑鐵石，蒼涼邦國沒蒿萊。中原未復英雄老，匡濟何人展霸才。

次貫之感事韻

狂瀾重挽事原難，沈醉天心任暴殘。海嘯彌驚風雨急，家遙長憶菊松寒。杜陵去國詩懷鬱，開府哀時客淚酸。廿載南陬身向老，經霜鬢髮鏡中看。

戊申清明

木棉花發正清明，薄霧輕寒欲放晴。老矣何心爭酒座，廓然無念坐書城。故園訪舊期他日，滄海浮家慨此生。歷亂羈懷誰解得，東風又送杜鵑聲。

二月

二月東風到客邊，春江水漲待歸船。何人貪作天涯夢，請向深宵聽杜鵑。

花朝與石齋千石逸駿茗談

客中隨喜度花朝，煮茗呼朋遣寂寥。初旭在天紅滿地，浮嵐照海碧成潮。交從有道能分益，人到無爭自不驕。堪笑年來空色相，春光偏又入詩瓢。

曉步

曉步循幽徑，閑愁去復留。一襟家國淚，萬里海天秋。地小身偏寄，兵深劫未休。南來何所事，白髮換烏頭。

端陽與質廬同茗

清茶小點作端陽，聊潤詩腸與酒腸。挺樹榴花方吐豔，離根蘭草不浮香。無多閑淚懷先哲，有限餘生願大狂。此地幽巖堪送老，何須世事悵滄桑。

郭偉廷

郭偉廷，廣東中山人。一九六一年香港出生。廣州中山大學畢業，獲博士學位。先後任教於香港公開大學及香港教育學院。從事中國古典詩文、戲曲小說研究及文學創作，曾獲多項寫作比賽獎項，包括香港青年文學獎、中文文學創作獎、全港詩詞創作比賽等。從蘇文擢先生遊，鳴社成員，詩作見歷年鳴社詩輯及粵港詩刊。著有《元雜劇的插科打諢藝術》。

清明掃墓

靜立愧碑前，蹉跎又一年。供花除野草，酹酒泣啼鵑。嶺上淒淒雨，墳邊漠漠煙。何堪悵歸路，回首總潸然。

未圓湖晨坐

二首錄一

蟬聲殘一雨，秋暑隔宵分。冷綠凝修竹，疏香憶舊芸。
湖山鬱映帶，湄岸坐思紛。空賞涵虛靜，塵襟負水雲。

〔一〕崇基圖書館在未圓湖畔。

和蘇師己已除夜詩

細味茶香續酒悲，寒窗殘歲夜風微。異鄉客子愁中去，故國離人夢裏歸。放眼桃花依舊在，關心粉社未全非。天涯寂寞孤燈下，金馬蹄聲漸近時。

題簡園十石拓本

(一)

正襟撫讀歎通神，恨欲籠紗石已湮。柔翰飛揚皆墨寶，霜刀妙斲屬瓊珍。青燈絳帳傳孤本，赤水玄珠待解人。莫負平生當砥礪，臨池更覺眼彌新。

(二) 蘇師文擢甲戌〈題簡園十石拓本〉詩自註：「十石者。先王父簡園公記其師藥農李文田文誠公手跡而刻存者也。事詳所書小序中。石毀於民四乙卯穗城大水災。予行篋存拓本。恐已鳳毛麟角矣。頃檢出重讀。其末有先考冬心公楷書簡園論書絕句二首。予昔年和作二首。載遽加室詩文續稿中。亦附卷尾。影贈鳴社詩弟子十四人。即命題作詩。予先成二章。」

乙亥新正贈別葉成忠詩侶

釣月盟鷗住水鄉，良才隱世久深藏。藝談麗澤同餐勝，曲賞茶軒共飲香。(一) 風暖新枝春正發，雲深遠影昨南翔。雪梨定有仙林夢，采啖奇芳入繡囊。(三)

(一) 余書齋號餐勝；成忠書齋號飲香。

〔二〕李元《獨異志》載馬融勤學。嘗夢見一林，花如繡錦。摘花食之，自後見天下文詞，無所不知。時人號為繡囊。

枯蘭

生滅乾坤偶一噓，芳菲曾住兩年餘。香留月下鳴箏譜，人記花前讀異書。尚說移根新似昨，可憐入夢碧如初。題詩晚已蘭枯去，向夕風吹靜靜居。

己卯元宵

山居春夜味清空，節付茶餘想像中。太乙仙遊應極遠，李謨擲笛問誰同。〔一〕南天暖作催花鼓，北牖涼生拂面風。起望碧霄今古月，初圓惟照木棉紅。〔二〕

〔一〕用唐明皇元夜聞笛故事。

〔二〕是年新正木棉早綻。

秋水

丹楓葉落蘸空微，影入江南一雁飛。誰道長流無意思，蒹葭白露共忘機。

題心印廬（一）

二首錄一

不佔煙霞不佔山，明窗虛白任雲閑。偶來休沐參心印，好自清風兩袖還。

（二）心印廬乃蘇師文擢珠海別業。

有贈 二首錄一

相依嘗似玉連環，誰令如今隔萬山。何物是情終不解，鬢邊留恨滿人間。